

Leturs: da sègn inant ciafèise te calonia o sacrestia la plata di leturs nòia

Oraziun de Taizé: ala sará indò en vèndres, ai 20 de ma dales 20:00 te capela a Oies. Düc é inviá.

Domisdé de ritiro a Oies: en domènia, ai 22 de ma a Oies dales 15.00 ales 17.00 él n domisdé cun adoraziun eucaristica, S. Mèssa, poscibilitè da se confessé y benedisciun cun Br. Gabriel Hüger. Düc é dèr bel inviá.

Por l'Edema dla Familia (14 – 22 de ma) sarál:

ai 16 de ma dales 20:00 a Longiarü tl salf manifestaziuns le referat „Liebevoll erziehen“

ai 17 de ma dales 20:00 a S.Martin tl Istitut Ladin na sèra cun discusiun „Familia y volontariat“.



En sabeda, ai 21.05.2016 complèsc **Laura Alfarei** de Parüs **85** agn. L'Senioreclub y düta la Comunità ti aoda düt l'bun, sanité y benedisciun de Dî.

Sorvisc ai Jogn: al é ciamó posc lèdi pro l' "Isté deboriada" a La Ila y S.Ciascian. Les iscriziuns pó gni fates online sön la plata www.proiec.org. Informaziuns te Sorvisc ai Jogn (0474/523070).

De Internazional al Museum Ladin ai 22.05.2016. Tl ciastel a San Martin éle i studènc di Lizeums de Fascia che nes presènta súa mostra scientifica dales 14:00 ales 18:00.

Tl Museum Ladin Ursus ladinicus de S.Ciascian vègnel cunté stories dessignades al momènt tl saurun. Al é davert dales 10:00 ales 18:00 y le spetacul Sand-Art vègn fat dales 10:15 -14:30 – 15:45 y 16:45.

Entrada, program por i museums y sorvisc taxi tra i museums é debann.

Jun a pe cun l'KVV: inviun düc a gní en mercui, ai 18.05.2016 al "Kalterer Höhenweg". Piun ia da Pedraces dales 07:30 y präibel prenotesse pro laco al nr. 0471/839772 cina en lünesc sèra.


"Sommersingcamp für Buben (8 bis 13 Jahre)" im Vinzentinum mit dem Knabenchorleiter Johann van der Sandt ab 29. Juli. Mehr Informationen: Tel.0472 1600 oder Email : info@vinzentinum.it,

Curs da „Klöppeln“: al vègn organisé dal KVV tles proscimes edemes y i interessá dess se prenoté pro Claudia al nr.339 4812218.

Impressum: Ploania Badia, redaziun Cristina Frena

Comunicaziuns cina jöbia sèra a parrocchiabadia@libero.it o frencris@alice.it

Download plata: www.valbadiainline.it/comunite/ploanies/ploanies/ploania-badia.html




Plata dla Ploania Badia

San Iaco - San Linert

Ploan: Siur Iaco Wendelin Willeit
Calonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz

UNITÉ PASTORALA



VAL BADIA

www.unitepastorala.org


Ann C

15.05. - 22.05.2016

Festa de Pasca de Ma n. 25

Pasca de Ma

Wo der Geist des Herrn
weht, ist Freiheit
Friede und Freude



Vangele dla domènia che vègn - Festa dla Ss. Trinité

Jan 16-12-15

Te chël tèmپ á Gejú dit a sü discepiu: I á ciamó tröp da ves dí mo sègn ne sèise nia bugn da porté na te' ciaria. Mo canch'al vègn èl, le Spirit dla verité, ves condejaral ite te dōta la verité. Deache al ne baiará nia fora de se instès, mo al dijará ci che èl alda, y ves incundará ci che gnará. Èl me glorificará; deache al tolará de ci che é mi y ves l'incundará. Döt, ci che le Pere á, é mi; porchèl ái dit: Al tol de ci che é mi y ves l'incundará.

FUNZIUNS SACRES

15.05. Festa de PASCA de MA

- 08.00 **Esposiziun dl Santiscimo**
Scomënciamënt dles ores de adoraziun
- 10.00 Mëssa solena en onur dl Spirit Sant
- 15.00 Ora de adoraziun por düc
- 18.00 †to Stefo Irsara - aniversar
†to Erich Canins – aniv. y †ti Rottonara
por fam. Lois y Annamaria Valentin en rengraz.



16.05. LÜNESC de PASCA de MA

- 10.00 a invocaziun dl Spirit Sant
†tes Anna y Rosina Piccolruaz - aniversar
†ti Anna y Enrico Dapunt
- 19.30 *Devoziun de ma*

17.05. Mertesc – *Mëssa cun l'Seniorenclub (te Ciasa Runcher)*

- 14.00** †ti Tone y Rosina Pitscheider
†ti fredesc y sorus Valentini de Col d'Anví
†to Richard Costamoling

18.05. Mercui – *Mëssa cun i scolars*

- 07.30 †ti Hermann y Antonia Nagler - aniversar
†to Mariangel Pescollderungg - aniversar
†ti Majo Alfarei / aniversar y siur Heinrich Valentin

19.05. Jöbia – *Mëssa cun i crejimá y studénc*

- 19.30 †to Friedl Castlunger - aniversar
por fam. Aldo y Rosmarie Irsara en rengraz.
por fam. Laurënz y Agnese Tasser en rengraz.

20.05. Vëndres

- 07.30 vis y †ti dla fam. Flatscher da Ciaminades
†ti Giuseppe y Franz Burchia
por fam. Saturnino en onur a S.Ujöp da Oies y †to siur Videsott

21.05. Sabeda

- 16.00 Mëssa a Oies
19.30 *Devoziun de ma*

22.05. Festa dla Ss. TRINITÉ – Domënia dles Families

- 10.30** Mëssa sön l'lüch da Fussé (nia te dljia)
- 18.00 †to Emilio Costisella y familia
†to Tone Irsara de Pescol
†ti Bertoldi




Dala VITA dla CÜRA

PASCA de MA 2016

Ores de adoraziun

- 08 – 09 Pedraces – Sompunt – Paracia – Ciaminades – Damez
- 09 – 10 Fisti – Larcenëi - Craciurara – Reslada – Castalta – Adan -
Pescollderunch – Peslalz – Pescol – Crafunara – Val
- 10** **Mëssa Grana**
- 11 – 12 San Linert
- 15** **Ora de adoraziun por düc**
- 16 – 17 Ruac – Alfarëi – Pransarores – Rainé – Cianacëi – Oies –
Frëinademez – Anví – Sotrú – Jusciara – Runch – Parüs –
Puntac – Sotgherdëna
- 17 – 18 Costa – Corcela – Sotciastel – Grones – Piz – Valgiarëi –
Col d'Anví – Andrac – Cialaruns
- Conclujiun y benedisciun**
- 18** **S. Mëssa**

Crejima 2017: en mertesc, ai 17 de ma dales 20:00 sarál te Ciasa di Ministranc na sëra cun i geniturs di mituns che vá l'ater ann a confermé.



Seniorenclub: al se abina en mertesc ai 17 de ma dales 14:00 te Ciasa Runcher por ti ciaré a val dias sura la natüra y spo sarál la s. Mëssa cun siur Degan. Düc é inviá a gní y bëgnodüs.

Bibelrunde cun Siur Sepl Granruaz: se incuntun en mercui ai 18 de ma dales 20.00 te calonia de Al Plan (bass ite). Düc é der bel inviá.

Referat: l'Consëi de Cüra inviëia al referat « *N pü de storia sacra – les ilijuns sön la Dlijia* » cun siur Sepl Granruaz en jöbia, ai 19 de ma dales 20:00 te Ciasa Runcher.

“Bauernhofsonntag” söl lüch da Fussé en domënia ai 22 de ma: al gnará dit la S.Mëssa sö Fussé dales 10:30 (degüna mëssa te dljia). An inviëia a gní a pe da paisc demez; por chi se stënta fej sorvisc i stüdafüch. Do mëssa aorela cörta cun müjiga, da mangé y da bëre; vijita dl lüch y program por mituns. La manifestaziun é organisada dala Uniun di Paur, dales Patrones, dala Jonëza da Paur, dai stüdafüch y müjiga de Badia. La sëra denant dales 20:30 sonará sö Fussé les müjighes Badia y Rasun.